

ड॒न्न॒सर॒हृषा॒ हरिः॑ । उ॒प॒या॒म॒गृही॒तोऽसि॑ म॒ृत्यवे॑ त्वा
जुष्टं॑ गृह्णामि । ए॒ष ते॒ योनि॑र्मृत्यवे॑ त्वा । अ॒प॒मृत्यु॑म॒प॒शुध॑म् । अ॒पे॒तः श॒पथं॑ जहि । अ॒धा॒नो अ॒ग्न आ॒व॒ह ।
रा॒य॒स्पोषः॑ सह॒स्रिण॑म् ॥ १ ॥

ये ते॑ स॒ह॒स्र॒म॒युतं॑ पा॒शाः । मृत्यो॑ म॒र्त्याय॑ ह॒न्त॒वे ।
ता॒न् य॒ज्ञस्य॑ मा॒यया॑ । स॒र्वान॑ व॒य॒जाम॑हे । भ॒क्षोऽस्य॑
मृत॑भ॒क्षः । तस्य॑ ते॒ मृत्यु॑पी॒तस्या॑मृत॒वतः॑ । स्व॒गा॒कृत॑स्य
मधु॑मतः । उ॒प॒हृत॑स्यो॒प॒हृतो॑ भ॒क्षया॑मि । म॒न्द्राभि॑भू॒तिः
के॒तुर्य॒ज्ञानां॑ वाक् । अ॒सा॒वेहि॑ ॥ २ ॥

अ॒न्धो जा॑गृ॒विः प्रा॑ण । अ॒सा॒वेहि॑ । ब॒धि॒र आ॑क्र॒न्द
इ॒तर॑पा॒न । अ॒सा॒वेहि॑ । अ॒ह॒स्तो॒स्त्वा च॑क्षुः । अ॒सा॒
वेहि॑ । अ॒पा॒दा॒शो म॑नः । अ॒सा॒वेहि॑ । क॒वे वि॒प्र॒चि॒त्ते
श्रो॒त्र । अ॒सा॒वेहि॑ ॥ ३ ॥

सु॒ह॒स्तः सु॒वा॒साः । शू॒षो ना॑मा॒स्य॒मृतो॑ म॒र्त्येषु॑ ।
तं त्वा॒ह॒न्त॒था वे॑द । अ॒सा॒वेहि॑ । अ॒ग्नि॒र्मे वा॒चि श्रि॑तः ।
वा॒ग्मृ॒दये॑ । हृ॒दयं॑ म॒यि । अ॒ह॒म॒मृते॑ । अ॒मृतं॑ ब्र॒ह्म॒णि ।
वा॒यु॒र्मे प्रा॑णे श्रि॒तः ॥ ४ ॥

प्रा॒णो हृ॒दये॑ । हृ॒दयं॑ म॒यि । अ॒ह॒म॒मृते॑ । अ॒मृतं॑
ब्र॒ह्म॒णि । सूर्यो॑ मे च॒क्षुषि॑ श्रि॒तः । च॒क्षुर्हृ॒दये॑ । हृ॒दयं॑